

ԱՐԱՄ ՎԱՂԱՐՇԱԿԻ ՔՈՍՅԱՆԻ

ԾՆՆԴՅԱՆ 65-ԱՄՅԱԿԻ ԱՌԹԻՎ



2021 թ. մայիսի 18-ին լրացավ հայտնի արևելագետ, պ.գ.դ., պրոֆեսոր Արամ Քոսյանի ծննդյան 65-ամյակը: Արևելագիտության կարկառուն ներկայացուցիչն ու շնորհալի գիտնականը ծնվել է 1956 թ. մայիսի 18-ին, Երևանում, անվանի բանասեր Վաղարշակ Քոսյանի ընտանիքում: 1977 թ. ավարտել է Խ. Աբովյանի անվան Հայկական պետական մանկավարժական ինստիտուտի պատմաաշխարհագրական ֆակուլտետի պատմության և հասարակագիտության բաժինը: Արամ Քոսյանի, որպես գիտնականի, կայացման ճանապարհին կարևորագույն նշանակություն է ունեցել 1981–1982 թթ. նրա ուսանելը ԽՍՀՄ Գիտությունների ակադեմիայի Սլավոնագիտության և բալկանագիտության ինստիտուտում (գիտական ղեկավար՝ բ.գ.դ., պրոֆեսոր Վյաչեսլավ Իվանով): Այնուհետև նա աշխատանքի է անցել Հայաստանի Գիտությունների ակադեմիայի Արևելագիտության ինստիտուտում, որտեղ աշխատում է սկսած 1978 թ.-ից: Ինստիտուտի առաջին տնօրեն, ակադեմիկոս Գագիկ Սարգսյանի նախաձեռնությամբ ստեղծված Սեպագիր քաղաքակրթությունների բաժնում Արամ Քոսյանը ստանձնում է Հայաստանում խեթագիտության զարգացման և այդ ուղղությամբ նոր մասնագետների պատրաստման պատասխանատու և կարևոր գործը:

1994–1995 թթ. Արամ Քոսյանը “W.Fulbright Foundation” դրամաշնորհի շրջանակներում հետազոտություններ է անցկացրել Քլիվլենդի պետական համալսարանում (ԱՄՆ), իսկ 2000–2002 թթ.՝ Գերմանիայի Վյուրցբուրգի համալսարանի Արևելյան բանասիրության ինստիտուտում “Alexander von Humboldt Stiftung”-ի ծրագրով:

Գիտական հետաքրքրություններից զատ՝ Արամ Քոսյանը, ունենալով ղեկավարման և կազմակերպման ձիրք և ունակություններ, զբաղեցրել է մի շարք պատասխանատու պաշտոններ՝ 1995–2001 թթ.՝ Արևելագիտության ինստիտուտի փոխտնօրեն, 2002–2007 թթ. եղել է ՀՀ կրթության և գիտության նախարարության Գիտության և հետբուհական կրթության վարչության պետ, այնուհետև՝ Խ. Աբովյանի անվան Հայկական պետական մանկավար-

Արամ Վաղարշակի Քոսյանի ծննդյան 65-ամյակի առթիվ

Ժական համալսարանի Գիտական կենտրոնի տնօրեն: 2011 թվականից նա գլխավորում է ՀՀ ԳԱԱ Արևելագիտության ինստիտուտի Հին Արևելքի բաժնի աշխատանքները:

1987 թ. Արամ Քոսյանը ստացել է պատմական գիտությունների թեկնածուի գիտական աստիճան (ատենախոսության թեմա՝ «Մ.թ.ա. XII–VIII դդ. Փոքր Ասիայի և հարակից շրջանների լուսիական պետությունները»), իսկ 1997 թ.՝ պատմական գիտությունների դոկտորի գիտական աստիճան (դոկտորական ատենախոսության թեման՝ «Մ.թ.ա. XII դարի մերձավորարևելյան ճգնաժամը և Հայկական լեռնաշխարհը»), այնուհետև՝ Խ. Աբովյանի անվան Հայկական պետական մանկավարժական համալսարանի Համաշխարհային պատմության և նրա դասավանդման մեթոդիկայի ամբիոնի պրոֆեսորի կոչում:

Արամ Քոսյանի անվան հետ է կապված Հայաստանում արևելագիտության կարևորագույն ուղղություններից մեկի՝ խեթագիտության զարգացումը: Անվանի գիտնականի համար զուտ խեթագիտական հարցերից բացի, առաջնային են այն հարցերը, որոնք նպաստում են Հայկական լեռնաշխարհի և հայ ժողովրդի պատմության խնդիրների քննարկմանը՝ խեթական սկզբնաղբյուրների, խեթագիտության ընձեռած հնարավորությունների հիման վրա:

Խոսելով խեթագիտության ներկա փուլի մասին՝ անհնար է պատկերացնել հայկական խեթագիտության զարգացումն առանց ՀՀ ԳԱԱ արևելագիտության ինստիտուտի Հին Արևելքի բաժնի գործնեության, որտեղ իր կարևոր դերակատարումն ունի բաժնի վարիչ Ա. Քոսյանը: Նրա աշխատանքներն աչքի են ընկնում Հայկական լեռնաշխարհի քաղաքական միավորներին վերաբերող սեպագիր աղբյուրների համակողմանի վերլուծությամբ¹:

¹ Օրինակ՝ К изучению склонения в иероглифическом лувийском, ДВ, 1988, 5, с. 181–186: Էթնիկական տեղաշարժերը Փոքր Ասիայում և Հայկական լեռնաշխարհում մ.թ.ա. XII դարում, ՊԲՀ, 1991, 1, էջ 65–78: Лувийские царства Малой Азии и прилегающих областей в XII–VIII вв. до н.э., Ереван, 1994: Խուսկան (Ծոփքը) մ.թ.ա. XIII–XII դարերում, ՊԲՀ, 1997, 1, էջ 177–192: Խեթական տերությունը և Ախիսիյական (Տրոյական պատերազմը), Երևան, 1997: Հին Առաջավոր Ասիայի և Էգեյան ծովի ավազանի պատմության պարբերացման շուրջ, ՄՄԱԵԺ, 1998, XVII, էջ 124–140: Տուն Թորգոմայ, Երևան, 1998: Խուսկան և Գորդիոնը մ.թ.ա. XII–X դարերում, ՊԲՀ, 1998, 3, էջ 117–124: Մ.թ.ա. XII դարի մերձավորարևելյան ճգնաժամը և Հայկական լեռնաշխարհը, Երևան, 1999: Ասորեստանը և Հայկական լեռնաշխարհի երկրները մ.թ.ա. XIII դարի երկրորդ կեսին, ՊԲՀ, 1999, 2–3, էջ 222–231: Խեթական պետությունը և Հայկական լեռնաշխարհի երկրները մ.թ.ա. XV դարում, ՊԲՀ, 2000, 3, էջ 161–174: Նոր նյութեր Խեթական տերության և Հայկական լեռնաշխարհի երկրների փոխհարաբերությունների մասին, ՄՄԱԵԺ, 2001, XX, էջ 233–245: Անի-Կամա-

Դրանք առանձնանում են նաև նորահայտ սկզբնաղբյուրների օգտագործմամբ, Հայկական լեռնաշխարհի երկրների հետ Խաթթիի հարաբերությունների նորովի մեկնաբանություններով: Հատկապես կարևոր է ընդգծել նաև նրա՝ 2004 թ. լույս ընծայած «Հայկական լեռնաշխարհի տեղանունները

խը խեթական դարաշրջանում, *ՊՐՀ*, 2002, 3, էջ 225–241: Նոր տեղանուններ խեթական սեպագիր տեքստերում, *ՄՄԱԵԺ*, 2003, XXII, էջ 252–264: Խեթական KUB XXVI 62 սեպագիր տեքստը և Վերին Եփրատի ավազանի պատմական աշխարհագրության խնդիրները, *ՄՄԱԵԺ*, 2004, XXIII, էջ 472–484: Մուրսիլիս II-ի հայաստան արշավանքները, *ՊՐՀ*, 2004, 2, էջ 197–204: Հայաստաի աստվածները, *ՄՄԱԵԺ*, 2005, XXIV, էջ 444–457: Հայաստան և Ազգին, *Շնորհի ի վերուստ. առասպել, ծես և պատմություն*, 2008, էջ 263–291: Arnuwandas I in the East, *AJNES*, 2006, I, pp. 72–97. On the Ethnic Background of Isuwa, *AJNES*, 2009, IV/2, pp. 85–97. Towards the Hittite Eastern Periphery, *AJNES*, 2011, VI/2, pp. 87–94. Վանից մինչև Եփրատ (հայոց պետականության ակունքներում), *Հայկազունիներ. առասպել և պատմություն*, 2012, էջ 24–27: Առաջավոր Ասիայի շրջակա միջավայրը և Հայկական լեռնաշխարհը (վաղ և միջին բրոնզեդար), *Հին Արևելք*, 1 (6), 2014, էջ 144–165: Հայոց վաղ պետականության պատմության մի խնդրի շուրջ, *Բանբեր հայագիտության, հայագիտական միջազգային հանդես*, Երևան, 2014, 1(4), էջ 5–25: To the East of Hatti. - In: Essays in Honour of Veli Sevin. A Life Immersed in Archaeology (ed.A.Özfirat), Istanbul, 2014, p. 277–282. Rulers of Hayasa. Hukkana, When the Gods Leave People (The climatological hypothesis of the collapse of the Urartian state), in: Kosyan Aram, Grekyan Yervand, Bobokhyan Arsen (eds.), *The Black & the White. Studies on History, Archaeology, Mythology and Philology in Honor of Armen Petrosyan in Occasion of His 65th Birthday*, *AJNES Vol. VIII, Issues 1–2*, 2013 [2014], Yerevan, pp. 128–134. Les Aryens au Pahhuwa, “*Societas Anatolica. Bulletin*”, N. 3, 2015, pp. 53–63. Between Euphrates and Lake Van (on the Location of Hayasa and Azzi), Cambridge, “*International Symposium*”, vol. I, 2015, pp. 271–276. Հայաստաի արքաները, *Երևան, Բանբեր Հայագիտության*, N 1(10), 2016, էջ 95–124: A Note on Hittite Toponymy: the Case of Pittiyariga, Oxford, “*Papers dedicated to the 65th birthday of Gregory Areshyan*”, pp. 251–254. Հայկական լեռնաշխարհը մ.թ.ա. XV դարի խեթական սեպագրական աղբյուրներում (աղբյուրների տեսություն), *ՄՄԱԵԺ*, N XXXI, Երևան, 2018, էջ 11–18: The plain of Erznka in the II–I millenniums BC, “*Fundamental Armenology*”, Yerevan, N I, 2018, pp. 49–68. Եփրատյան կոնտակտային գոտու հյուսիսային դարպասը. Երզնկայի դաշտը, *Երևան, Պատմամշակութային ժառանգություն*, N IV, 2018, էջ 214–235: First Haykides and the «House of Torgom» (an overview of tradition and new prospects), Yerevan, “*Fundamental Armenology*”, N 2(10), 2019, pp. 46–62. Upper Euphrates Political Geography Reconsidered, Oxford, “*Over the Mountains and and Far Away. Studies in Near Eastern History and Archaeology Presented to Mirjo Salvini on the Occasion of his 80th Birthday*”, Oxford, Archaeopress Archaeology, 2019, pp. 312–316. Евфратская контактная зона во II тысячелетии до н.э. (на примере Исувы), *ՄՄԱԵԺ*, N XXXIII(1), Երևան, 2020, с. 95–110. Բնակլիմայական իրավիճակը Հայկական լեռնաշխարհում վաղ հոլոցենում, *ՄՄԱԵԺ*, N XXXIII(2), Երևան, 2020, էջ 56–73: Ecology and civilization of the Armenian highland, Yerevan, “*Fundamental Armenology*”, N 1, 2020, pp. 23–38 և այլն:

Արամ Վաղարշակի Քոսյանի ծննդյան 65-ամյակի առթիվ

(ըստ խեթական սեպագիր աղբյուրների)» մենագրությունը²: Հանդիսանալով հայտնի արևելագետներ Վ. Իվանովի, Ի. Դյակոնովի աշակերտը՝ նա իր փորձն ու գիտելիքները անմնացորդ փոխանցել է և շարունակում է փոխանցել երիտասարդ սերնդի ներկայացուցիչներին, որոնք (Ռ. Ղազարյան, Ռ. Ցականյան, Հ. Հմայակյան, Մ. Խանզադյան, Լ. Պետրոսյան, և այլք) Արամ Քոսյանի խեթագիտական և սեպագրագիտական դպրոցի ներկայացուցիչներն են:

Հարկ է նշել, որ աշխատանքները Հայաստանի և հարակից երկրների պատմության համար առանցքային նշանակություն ունեցող խեթական սկզբնաղբյուրների ուսումնասիրման ուղղությամբ շարունակական բնույթ են կրում: Բացի ամենամյա հրատարակություններից՝ ՀՀ ԳԱԱ արևելագիտության ինստիտուտի Հին Արևելքի բաժնի աշխատակիցները Արամ Քոսյանի գլխավորությամբ նախաձեռնել են մի կարևոր գործ ևս՝ «Խեթական սեպագրական աղբյուրները Հայկական լեռնաշխարհի մասին» շարքը³:

Առանձնահատուկ պետք է նշել նաև, որ ՀՀ ԳԱԱ արևելագիտության ինստիտուտը 2013 թ. գիտական հանրությանը ներկայացրեց կարևորագույն մի աշխատություն՝ «Հայաստանի հարակից երկրների պատմություն» քառահատորյակի առաջին հատորը (պատասխանատու խմբագիր Ա. Քոսյան): Նրա հեղինակությամբ, հատորի մեջ առանձին գլուխներով՝ ժամանակակալից խեթագիտության ձեռքբերումների հիման վրա, տրվել է նաև Փոքր

² Ուսումնասիրության մեջ ներկայացվում են խեթական տեքստերում վկայված բոլոր այն տեղանունները, որոնք գտնվել են ինչպես բուն Հայաստանում և Իսուվայում, այնպես էլ Հայկական լեռնաշխարհի այլ շրջաններում և խեթահայաստական ու խեթաիսուվական շփման գոտում: Տրվել են նոր տեղանուններ, որոնք ի հայտ են եկել նոր սկզբնաղբյուրների ուսումնասիրման արդյունքում: Ճշգրտվել են նաև հայտնի տեղանունների մի մասի ընթերցումները և դրանց առնչակցությունը Հայաստանի և Իսուվային (տես՝ Գրեկյան Ե., Արամ Քոսյան. Հայկական լեռնաշխարհի տեղանունները, Երևան, 2004, 168 էջ (գրախոսություն), ՊԲՀ, 2005, 3, էջ 270–272):

³ Քոսյան Ա., Ղազարյան Ռ., Խանզադյան Մ., Մարտիրոսյան Ս., Մ.թ.ա. XIV դարի խեթա-հայաստական մեջպետական պայմանագրերը: Խեթական սեպագրական աղբյուրները Հայկական լեռնաշխարհի մասին, հատոր I, Երևան, 2016, Ջանգակ հրատ., 175 էջ: Մ.թ.ա. XV դարի խեթական սեպագրական աղբյուրները Հայկական լեռնաշխարհի մասին: Խեթական սեպագրական աղբյուրները Հայկական լեռնաշխարհի մասին, հատոր II, Երևան, Գիտություն հրատ., 183 էջ: Մ.թ.ա. XIV դ. խեթական սեպագրական աղբյուրները Հայկական լեռնաշխարհի վերաբերյալ (Մուրսիլիս II-ի տեքստերը): Խեթական սեպագրական աղբյուրները Հայկական լեռնաշխարհի մասին, հատոր III, Երևան, 2021, 190 էջ:

ՀՀ ԳԱԱ արևելագիտության ինստիտուտ

Ասիայի հին շրջանի, Խեթական տերության, Լուվիական պետությունների պատմություն:

Վերոհիշյալ բազմաբեղուն գործունեությունը պրոֆեսոր Արամ Քոսյանը զուգակցել է գիտակազմակերպական, գիտախմբագրական և մանկավարժական գործունեությանը⁴:

Նա հանդիսանում է մի շարք գիտական ժողովածուների խմբագրական խորհրդի անդամ կամ գլխավոր խմբագիր («Արամազդ», «Բանբեր արևելա-

⁴ Նրա համահեղինակությամբ են հրատարակվել մի շարք բուհական և դպրոցական դասագրքեր և ձեռնարկներ, օրինակ՝ Հին աշխարհի պատմություն: Դասագիրք 5-րդ դասարանի համար / Ա. Քոսյան, Ա. Խաչիկյան: ՀՀ Կրթ. և գիտ. նախ., Երևան, 2000: Հին աշխարհի և միջին դարերի պատմություն: V-VI դաս.: Մեթոդ. ձեռն. ուսուցիչների համար / Հեղ. դարձերեսին՝ Վ.Ա. Դիլոյան, Ա.Վ. Քոսյան, Ա.Է. Խաչիկյան և ուրիշն., Երևան, 2000: Պատմություն: Դասագիրք հանրակրթական դպրոցների 9-րդ դասարանի համար / Վ.Բ. Բարխուդարյան, Բ.Հ. Հարությունյան, Պ.Ս. Ավետիսյան, Քոսյան Ա.Վ. և ուրիշն., Երևան, 2001: Հայոց եկեղեցու պատմություն: Հանրակրթական դպրոցի 6-րդ դասարանի դասագիրք / Ա. Քոսյան, Վ. Պետրոսյան, Ա. Գյուլբուրդյան, Վ. Ղանդիլյան: Խմբ.՝ Պ.Հ. Հովհաննիսյան, Ա. Եսպ. Մկրտչյան և ուրիշն.: ՀՀ Կրթ. և գիտ. նախ., Երևան, 2004: Համաշխարհային պատմություն 10: Ընդհանուր և բնագիտամաթեմատիկական հոսքեր, խմբ. կազմ Ա.Քոսյան, Ե.Գրեկյան,Գ.Հարությունյան և ուրիշն., Երևան, 2009: Համաշխարհային պատմություն: 10-րդ դասարան: Հումանիտար հոսք /Ա.Քոսյան, Ե. Գրեկյան,Գ. Հարությունյան: Մեթոդ. մասի հեղ.՝ Ա. Սարգսյան: ՀՀ ԿԳՆ, Երևան, 2009: Համաշխարհային պատմություն 12: Հումանիտար հոսք / Վ. Պետրոսյան, Ա. Նազարյան, Ռ. Սաֆրաստյան: Խմբ.՝ Ա. Քոսյան և Ա. Նազարյան, Երևան, 2011: Համաշխարհային պատմություն 12: Ընդհանուր և բնագիտամաթեմատիկական հոսք / Ա. Նազարյան, Վ. Պետրոսյան, Ռ. Սաֆրաստյան: Խմբ.՝ Ա. Քոսյան և Ա. Նազարյան, Երևան, 2011: Համաշխարհային պատմություն: Հին աշխարհ: 6-րդ դաս.: Դասագիրք հանրակրթ. հիմն. դպր. համար / Ա.Ա. Ստեփանյան, Հ. Ավետիսյան, Ա. Քոսյան., Երևան, 2013: Քոսյան Ա.Վ., Գրեկյան Ե.Հ., Սաֆրաստյան Ռ.Ա., Համաշխարհային պատմություն. ընդհանուր և բնագիտամաթեմատիկական հոսքեր (10-րդ դասարանի դասագիրք), Ե., «Զանգակ» հրատ., 2017, 192 էջ: Քոսյան Ա.Վ., Գրեկյան Ե.Հ., Համաշխարհային պատմություն. հումանիտար հոսք (10-րդ դասարանի դասագիրք), Ե., «Զանգակ» հրատ., 2017, 224 էջ: Քոսյան Ա.Վ., Սաֆրաստյան Ռ.Ա., Համաշխարհային պատմություն. հումանիտար հոսք (11-րդ դասարանի դասագիրք), Ե., «Զանգակ» հրատ., 2017, 256 էջ: Քոսյան Ա.Վ., Սաֆրաստյան Ռ. Ա., Համաշխարհային պատմություն. Ընդհանուր և բնագիտամաթեմատիկական հոսքեր (11-րդ դասարանի դասագիրք), Ե., «Զանգակ» հրատ., 2017, 160 էջ: Քոսյան Ա.Վ. (գլխ. խմբագիր), Սաֆրաստյան Ռ.Ա. (համահեղինակ), Համաշխարհային պատմություն. հումանիտար հոսք (12-րդ դասարանի դասագիրք), Ե., «Զանգակ-97» հրատ., 2018, 256 էջ: Քոսյան Ա.Վ. (գլխ. խմբագիր), Սաֆրաստյան Ռ.Ա. (համահեղինակ), Համաշխարհային պատմություն. ընդհանուր և բնագիտամաթեմատիկական հոսքեր (12-րդ դասարանի դասագիրք), Ե., «Զանգակ - 97» հրատ., 2018, 128 էջ:

Արամ Վաղարշակի Քոսյանի ծննդյան 65-ամյակի առթիվ

գիտության ինստիտուտի (նախկինում՝ Մերձավոր և Միջին Արևելքի երկրներ և ժողովուրդներ)», «Հին Արևելք», «Հիմնարար հայագիտություն» և այլն):

Հանրագումարի բերելով՝ կարող ենք փաստել, որ մեծանուն գիտնականի բազմալաստակ գործունեության շնորհիվ խեթագիտությունը Հայաստանում արևելագիտության և սեպագրագիտության կայացած ուղղություններից մեկն է: Այն դեպի ապագան միտված գիտական ուղղություն է և ժամանակի ընթացքում նորանոր նյութեր կտրամադրի, որոնք նոր լույս կսփռեն Հայկական լեռնաշխարհի և հարակից տարածաշրջանների հին շրջանի պատմության, լեզվի, մշակույթի և այլ հարցերի վրա:

ՀՀ ԳԱԱ արևելագիտության ինստիտուտի ողջ աշխատակազմը, շնորհավորելով պրոֆեսոր Արամ Քոսյանին՝ իր ծննդյան 65-ամյակի կապակցությամբ, ցանկանում է, որ նա իր տաղանդը և մասնագիտական հմտությունները դեռ երկար տարիներ ծառայեցնի գիտության զարգացմանը:

ՀՀ ԳԱԱ ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ